

განცხადება შესყიდვის ელექტრონული პროცედურის ჩატარების შესახებ

შესყიდვის ტიპი	ელექტრონული პროცედურა
შემსყიდველი	შპს „საქართველოს მელიორაცია“
დაფინანსების წყარო	2021 წლის სახელმწიფო ბიუჯეტი
შესყიდვის სავარაუდო ღირებულება	1'082'540 ლარი
წინადადება წარმოდგენილი უნდა იყოს	დღგ-ის გათვალისწინებით
სპეც.წესის საქონლის კოდი - 10	
შეთავაზების ფასის კლების ბიჯი	0.4%

შპს „საქართველოს მელიორაცია“

დიზელის საწვავის არაუმეტეს 50 მგ/კგ (არაუმეტეს 50 PPM) შესყიდვის ელექტრონული პროცედურა

სატენდერო დოკუმენტაცია

სავარაუდო ღირებულებაა 1'082'540.00 (ერთი მილიონ ოთხმოცდაორი ათას ხუთასორმოცი ლარი და 00 თეთრი) ლარი

სპეც.წესის საქონლის კოდი - 10

დაფინანსების წყარო - 2021 წლის სახელმწიფო ბიუჯეტი

წინამდებარე დოკუმენტაცია შედგენილია 2020 წლის 6 აგვისტოს საქართველოს მთავრობის N485 დადგენილებით დამტკიცებული „შპს „საქართველოს მელიორაციის“ მიერ საქონლისა და მომსახურების შესყიდვის სპეციალური წესის“ საფუძველზე.

ქ. თბილისი

2021 წ.

**დოკუმენტაცია, პრეტენდენტის მიერ წარმოსადგენი
წინადადება და მისი შეცვლის წესი**

1. დოკუმენტაცია

- 1.1 დოკუმენტაცია არის დოკუმენტთა პაკეტი, რომელიც შეიცავს სრულ ინფორმაციას შესყიდვის ობიექტის, პროცესის და შესყიდვის შესახებ ხელშეკრულების ძირითადი პირობების თაობაზე.
- 1.2 დოკუმენტაცია მოიცავს:
 - 1.2.1 ტექნიკური პარამეტრების, საქონლის მიწოდებისა და ანგარიშსწორების პირობების ფორმას (დანართი №1).
 - 1.2.2 შესყიდვის შესახებ ხელშეკრულების ფორმას (ხელშეკრულების პირობები დაზუსტდება გამარჯვებულ პრეტენდენტთან).
- 1.3 ელექტრონულ პროცედურასთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

2. პრეტენდენტის მიერ წარმოსადგენი წინადადება

- 2.1 პრეტენდენტის წინადადება უნდა შეიცავდეს შემდეგ ინფორმაციას:
 - 2.1.1. ტექნიკური პარამეტრების, საქონლის მიწოდებისა და ანგარიშსწორების პირობების შევსებულ ფორმას (დანართი №1).
 - 2.1.2. საქონლის ხარისხის დამადასტურებელი სერტიფიკატი/ლაბორატორიული კვლევის დოკუმენტი (უცხოენოვანი დოკუმენტის წარმოდგენის შემთხვევაში დოკუმენტს უნდა დაერთოს ნოტარიულად დამოწმებული ქართული თარგმანი).
 - 2.1.3. ავტოგასამართი სადგურების ჩამონათვალი. ელექტრონულ ტენდერში მონაწილეობის მიღება შეუძლია მხოლოდ იმ პრეტენდენტს, რომელიც საქართველოს მასშტაბით (ყველა რეგიონში - რეგიონალური დაყოფის პრინციპით) ფლობს/სარგებლობაში გააჩნია საქართველოს კანონმდებლობის შესაბამისად მოწყობილი არანაკლებ 45 ავტოგასამართი სადგურისაგან შემდგარი ნავთობპროდუქციის (საწვავის) საცალო რეალიზაციის ქსელი, რომელთაგანაც პრეტენდენტი 2021 წლის განმავლობაში განახორციელებს ამ ტენდერით გათვალისწინებული საწვავის მიწოდებას.
 - 2.1.4. წინადადების უზრუნველყოფის 1%-იანი გარანტიას.
- წინადადების უზრუნველყოფის 1%-იანი გარანტია:**
 - პრეტენდენტი ვალდებულია, ტექნიკურ დოკუმენტაციასთან ერთად წარადგინოს წინადადების უზრუნველყოფის გარანტია ერთ-ერთი ქვემოთ მითითებული წესითა და ფორმით:
 - ა) პროცედურის პირობებით განსაზღვრულ საბანკო ანგარიშზე (ა/ა GE36TB7484734030100006; ს.ს. “თიბისი ბანკი”; ბანკის კოდი: TBCBGE22; მიმღების სახელი შპს საქართველოს მელიორაცია) თანხის გადახდითა და აღნიშნულის დამადასტურებელი ქვითრის ტექნიკურ დოკუმენტაციასთან ერთად წარდგენილი;
 - ბ) საბანკო გარანტით, რომელიც წარდგენილი უნდა იყოს საქართველოს კანონმდებლობის შესაბამისად ლიცენზირებული საბანკო/სადაზღვევო დაწესებულებიდან.
 - წინადადების უზრუნველყოფის გარანტიის ბენეფიციარია შემსყიდველი.
 - წინადადების უზრუნველყოფის გარანტია დაბრუნებას ექვემდებარება შესაბამისი ხელშეკრულების დადების ან შესყიდვის ელექტრონული პროცედურის უარყოფითი შედეგით დასრულების ან შეწყვეტის შემთხვევაში, პრეტენდენტის/მიმწოდებლის შესაბამისი მოთხოვნიდან 10 (ათი) სამუშაო დღის განმავლობაში.
 - წინადადების უზრუნველყოფის გარანტიის დაბრუნების მოთხოვნა წარდგენილ უნდა იქნეს შესაბამისი ხელშეკრულების დადებიდან ან შესყიდვის ელექტრონული პროცედურის უარყოფითი შედეგით დასრულებიდან ან შეწყვეტიდან 3 (სამი) თვის განმავლობაში. აღნიშნული ვადის გასვლის შემდეგ წინადადების უზრუნველყოფის გარანტია არ ექვემდებარება დაბრუნებას და წარმოადგენს შემსყიდველის შემოსავალს.
 - პრეტენდენტის მიერ წარდგენილი წინადადების უზრუნველყოფის გარანტია არ ექვემდებარება დაბრუნებას, თუ შესაბამისი პრეტენდენტის დისკვალიფიკაცია განხორციელდა საქართველოს მთავრობის 2020 წლის 6 აგვისტოს „შპს „საქართველოს მელიორაციის“ საქონლისა და მომსახურების შესყიდვების სპეციალური წესის დამტკიცების შესახებ“ N485 დადგენილების მე-13 მუხლის პირველი პუნქტის „ა“ ან „ვ“ ქვეპუნქტის საფუძველზე („ა“ იგი უარს იტყვის წინადადებაზე ან სხვაგვარად გამოხატავს უარს ხელშეკრულების დადებაზე; „ვ“ ხელშეკრულების დადების უფლების მოპოვების მიზნით, ჩაიდენს არაკეთილსინდისიერ ქმედებას.“).
 - საბანკო გარანტიის წარმოდგენის შემთხვევაში სატენდერო წინადადების უზრუნველყოფის გარანტიის ვადა განისაზღვრება წინადადების წარდგენიდან არანაკლებ 160 კალენდარული დღის ვადით.
 - იმ შემთხვევაში, თუ პრეტენდენტს წინადადების ვადის დასრულების დროისთვის არ ექნება მოთხოვნათა სრული დაცვით წარდგენილი წინადადების უზრუნველყოფის გარანტია, პრეტენდენტის შეთავაზება არ განიხილება და კომისიას შეუძლია, მიმართოს წინადადების ყველაზე დაბალი ფასის მქონე მომდევნო პრეტენდენტს.
- 2.2 2.1 პუნქტით გათვალისწინებული ყველა ინფორმაცია და დოკუმენტაცია ერთიანობაში წარმოადგენს პრეტენდენტის წინადადებას, რომელიც უნდა აიტვირთოს სახელმწიფო შესყიდვების ერთიან ელექტრონულ სისტემაში პრეტენდენტის მიერ წინადადების შეთავაზებისას.
- 2.3 პრეტენდენტს უფლება აქვს წარმოადგინოს მხოლოდ ერთი წინადადება.
- 2.4 წინადადების საერთო და ერთეულის ფასი გამოსახულ უნდა იყოს ყველა ხარჯის გათვალისწინებით, როგორცაა: ტრანსპორტირების ხარჯები და საქართველოს კანონმდებლობით დადგენილი გადასახადები, თუ მოსაკრებლები (მათ შორის დღგ).
- 2.5 წინადადების საერთო და თითოეული ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.
- 2.6 შემსყიდველი არ განიხილავს იმ პრეტენდენტის წინადადებას, რომელმაც ამ შესყიდვის ელექტრონული პროცედურის გამოცხადებამდე ბოლო ერთი წლის განმავლობაში შპს „საქართველოს მელიორაციასთან“ გაფორმებული ხელშეკრულების ფარგლებში, ხელშეკრულების მოქმედების პერიოდში ნაწილობრივ ან სრულად არ შეასრულა აღნიშნული ხელშეკრულებით მასზე დაკისრებული ვალდებულება (წინამდებარე პუნქტის მიზნებისათვის, ხელშეკრულების ნაწილობრივ ან სრულად არ შესრულებად, არ განიხილება შემთხვევები როდესაც იგი განპირობებული იყო ფორს-მაჟორული გარემოებით ან საქონლის სრულად მიწოდება განხორციელდა მიწოდების ვადის დარღვევით, იმავდროულად, აუცილებელია, რომ ხელშეკრულების მოქმედების ვადა იყოს გასული ან ხელშეკრულება ვადაზე ადრე იყოს შეწყვეტილი).

3. პრეტენდენტის მიერ წარმოდგენილი წინადადების შეცვლის წესი

- 3.1 ტექნიკური პარამეტრების, საქონლის მიწოდებისა და ანგარიშსწორების პირობების შევსებულ ფორმას (დანართი №1). - პრეტენდენტმა უნდა შეავსოს „ტექნიკური პარამეტრების“ ცხრილის მე-6 სვეტი.

- „ტექნიკური პარამეტრების“ ცხრილის მე-6 სვეტში პრეტენდენტმა უნდა მიუთითოს შემოთავაზებული საქონლის წარმოშობის ქვეყანა.
- პასუხისმგებელი პირი აღნიშნულ ელექტრონულ დოკუმენტზე ასრულებს კვალიფიციურ ელექტრონული ხელმოწერას ან/და ამ დოკუმენტს ამოწმებს კვალიფიციური ელექტრონული შტამპით საქართველოს კანონმდებლობის შესაბამისად.

3.2 სხვა დამატებითი ინფორმაციისა და დოკუმენტაციის (ასეთის არსებობის შემთხვევაში) შევსების წესი განისაზღვრება დამატებით მოთხოვნებში.

3.3 ხელშეკრულების შესრულების უზრუნველყოფის გარანტია:

3.3.1 ტენდერში გამოიყენება ხელშეკრულების შესრულების უზრუნველყოფის მექანიზმი 5%-ის ოდენობით, რომელიც გაცემული უნდა იყოს საქართველოს კანონმდებლობის შესაბამისად საბანკო ან სადაზღვევო დაწესებულებისაგან.

3.3.2 ხელშეკრულების უზრუნველყოფის საბანკო გარანტია პრეტენდენტის მიერ წარმოდგენილი უნდა იყოს ხელშეკრულების გაფორმებამდე, რომლის მოქმედების ვადა, არანაკლებ 30 კალენდარული დღით უნდა აღემატებოდეს ხელშეკრულების მოქმედების ვადას.

შენიშვნა:

იმ შემთხვევაში, თუ ერთიან ელექტრონულ სისტემაში, პრეტენდენტის პროფილის ველში არ არის სრულად მითითებული რეკვიზიტები, პრეტენდენტმა წინადადების წარმოდგენისას ზემოაღნიშნულ დანართებთან ერთად უნდა ატვირთოს პრეტენდენტის რეკვიზიტები, რომელიც მოიცავს შემდეგ ინფორმაციას: პრეტენდენტის დასახელებას, იურიდიულ მისამართს, ტელეფონს/ფაქსს, საბანკო რეკვიზიტებს, ხელმძღვანელის სახელს, გვარს.

- წინადადების დაზუსტების წარმოსადგენად (ასეთის არსებობის შემთხვევაში) განესაზღვრება არაუმეტეს 3 სამუშაო დღე.

- ნიმუშების წარმოსადგენად (ასეთის არსებობის შემთხვევაში) პრეტენდენტს განესაზღვრება მხოლოდ 5 სამუშაო დღე.

დამატებითი ინფორმაციისათვის მიმართეთ კომისიის აპარატის წევრს ნათია გვრიტიშვილს 577 96 48 48.

2019 წლის 1 იანვრიდან, შესყიდველი ორგანიზაციები და შესყიდვებში მონაწილეობის მსურველები/პრეტენდენტები/მიმწოდებლები „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მე-3 მუხლის მე-3 და მე-4 პუნქტების საფუძველზე ვალდებული არიან, სახელმწიფო შესყიდვებში ერთიან ელექტრონულ სისტემაში ასატვირთ, მის მიერ შექმნილ, ელექტრონულ დოკუმენტებზე შეასრულონ კვალიფიციური ელექტრონული ხელმოწერა ან/და ეს დოკუმენტები დაამოწმონ კვალიფიციური ელექტრონული შტამპით, გარდა საქართველოს კანონმდებლობით გათვალისწინებული შემთხვევებისა (იხილეთ სახელმძღვანელო ინსტრუქცია).

ტექნიკური პარამეტრები, საქონლის მიწოდებისა და ანგარიშსწორების პირობები

1. ტექნიკური პარამეტრები

№	საქონლის დასახელება	საქონლის ტექნიკური პარამეტრები	განზ	რაოდენობა	საქონლის წარმოშობის ქვეყანა
I	II	III	IV	V	VI
1	დიზელის საწვავი	არაუმეტეს 50 მგ/კგ (არაუმეტეს 50 PPM)	ლიტრი	476'890	

2. მიწოდების ადგილი და ვადა

მიწოდების ვადა და ადგილი: ხელშეკრულების გაფორმებიდან არაუგვიანეს 5 სამუშაო დღეში. მოწოდება ბარათების ან საჭიროების შემთხვევაში ტალონების მეშვეობით.

ელექტრონულ ტენდერში მონაწილეობის მიღება შეუძლია მხოლოდ იმ პრეტენდენტს, რომელიც საქართველოს მასშტაბით (ყველა რეგიონში - რეგიონალური დაყოფის პროვინციით) ფლობს/სარგებლობაში გააჩნია საქართველოს კანონმდებლობის შესაბამისად მოწყობილი არანაკლებ 45 ავტოგასამართი სადგურისაგან შემდგარი ნავთობპროდუქციის (საწვავის) საცალო რეალიზაციის ქსელი, რომელთაგანაც პრეტენდენტი 2021 წლის განმავლობაში განახორციელებს ამ ტენდერით გათვალისწინებული საწვავის მიწოდებას. აღნიშნულ ავტოგასამართ სადგურებზე აუცილებელია მითითებულ იქნას პრეტენდენტის სასაქონლო ნიშანი.

3. ანგარიშსწორების პირობები და ვადები

ანგარიშსწორება განხორციელდება უნაღდო ანგარიშსწორების ფორმით.

ანგარიშსწორება განხორციელდება არაუგვიანეს 10 სამუშაო დღის განმავლობაში, გაფორმებული მიღება-ჩაბარების აქტისა და საგადასახადო ანგარიშ-ფაქტურის წარდგენის საფუძველზე.

1. ხელშეკრულების დამდები მხარეები და შესყიდვის ობიექტი

ერთის მხრივ, _____ (მის: თბილისი, _____), წარმოდგენილი - მისი
_____ სახით (შემდგომში "შემსყიდველი")

და მეორეს მხრივ,

_____ (იურიდიული მის: _____) წარმოდგენილი - მისი _____ სახით
(შემდგომში "მიმწოდებელი"), ვდებთ წინამდებარე ხელშეკრულებას შემდეგზე:

_____ მოთხოვნათა შესაბამისად, შემსყიდველმა გამოაცხადა შესყიდვის ელექტრონული
პროცედურა _____ შესყიდვაზე, რომელშიც, კომისიის გადაწყვეტილებით, გამარჯვებულად მიჩნეულ იქნა მიმწოდებლის
წინადადება შემდეგ თანხაზე: _____ (_____) ლარი (შემდგომში "ხელშეკრულების ღირებულება")

2. ტერმინთა განმარტებები

- 2.1. "შემსყიდველი ორგანიზაცია" (შემდგომ "შემსყიდველი") ნიშნავს ორგანიზაციას, რომელიც ახორციელებს შესყიდვას;
- 2.2. "მიმწოდებელი" ნიშნავს პირს, რომელმაც მოიპოვა გამარჯვება შემსყიდველის მიერ გამოცხადებულ შესყიდვის ელექტრონულ პროცედურაში (GEO _____)
- 2.3. "ხელშეკრულება შესყიდვის შესახებ" (შემდგომ "ხელშეკრულება") შემსყიდველსა და მიმწოდებელს შორის დადებული ხელშეკრულება, მასზე თანდართული, მიმწოდებლის მიერ, წინამდებარე ხელშეკრულების 2.2 პუნქტში მითითებული, შესყიდვის ელექტრონულ პროცედურაში წარმოდგენილი, ყველა დოკუმენტით, კერძოდ:
 - 2.3.1. ტექნიკური პარამეტრები, საქონლის მიწოდების და ანგარიშსწორების პირობები (დანართი №1).
- 2.4. "ხელშეკრულების ღირებულება" ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 2.5. "დღე", "კვირა", "თვე" ნიშნავს კალენდარულ დღეს, კვირას, თვეს.

3. ხელშეკრულების საგანი

- 3.1. ხელშეკრულების საფუძველზე მიმწოდებელი კისრულობს ვალდებულებას, მიაწოდოს შემსყიდველს _____, (შემდგომში "საქონელი"), ხოლო შემსყიდველი კისრულობს ვალდებულებას, მიიღოს მოთხოვნილი საქონელი და გადაიხადოს მისი ღირებულება ხელშეკრულებით გათვალისწინებული წესით.
- 3.2. შესყიდვის ობიექტის კლასიფიკატორის კოდი: _____.
- 3.3. მისაწოდებელი საქონლის დასახელება, განზომილება, რაოდენობა და ერთეულის ფასი განისაზღვრება: _____.
- 3.4. შესყიდვის ობიექტი შეფუთული უნდა იყოს ქარხნული წესით ისე, რომ დაცული იყოს გარემო ზემოქმედებისაგან, გარდა იმ პროდუქციისა, რომლის შეფუთვაც შეუძლებელია ქარხნული წესით.

4. ხელშეკრულების შესრულების კონტროლი

- 4.1. შემსყიდველი უფლებამოსილია განახორციელოს ხელშეკრულების შესრულების კონტროლი ნებისმიერ ეტაპზე.
- 4.2. შემსყიდველის მხრიდან ხელშეკრულების შესრულების კონტროლს ახორციელებენ: _____ (შემდგომში "ინსპექტორების ჯგუფი")
- 4.3. ინსპექტორების ჯგუფის ფუნქციებია:
 - 4.3.1. გაუწიოს კონტროლი ხელშეკრულებით გათვალისწინებული საქონლის მიწოდების ვადების დაცვას;
 - 4.3.2. დაადგინოს მიწოდებული საქონლის შესაბამისობა ხელშეკრულებით გათვალისწინებულ მოთხოვნებთან;
 - 4.3.3. გააფორმოს მიღება-ჩაბარების აქტი მიმწოდებელთან და უზრუნველყოს მიწოდებული საქონლის მიღება.

5. საქონლის მიწოდების ვადა

- 5.1. მიმწოდებელი ვალდებულია, საქონლის მიწოდება განახორციელოს საქონლის მიწოდების ვადის და ადგილის შესაბამისად (დანართი №1).
- 5.2. საწვავის ფასი შეიცავს ყველა ხარჯს, რაც დაკავშირებულია მის მიწოდებასთან, მათ შორის, საწვავის შენახვის ხარჯებს ავტოგასამართი სადგურებიდან მის გაცემამდე;
- 5.3. საწვავის მიწოდებას მიმწოდებელი უზრუნველყოფს ამ ხელშეკრულებით განსაზღვრული წესების დაცვით, პლასტიკური ბარათებისა ან საჭიროების შემთხვევაში ტალონების სისტემით, მიმწოდებლის ავტოგასამართი სადგურების ქსელის მეშვეობით.
- 5.4. საწვავის შემსყიდველის სპეციალურ ანგარიშზე საწვავის ჩარიცხვა ან ტალონების გადაცემა მოხდება შემსყიდველის შეკვეთის შესაბამისად, ხელშეკრულების გაფორმებიდან არაუგვიანეს 5 (ხუთი) სამუშაო დღის ვადაში.
- 5.5. შემსყიდველის შეკვეთის საფუძველზე მიმწოდებელი გამოუწერს შემსყიდველს ელექტრონულ ნავთობპროდუქტების სპეციალურ საგადასახადო ანგარიშ-ფაქტურას (შემდგომში - "ენსაფ") მოთხოვნილი რაოდენობის საწვავზე. შემსყიდველი ვალდებულია საგადასახადო კანონმდებლობით დადგენილი წესის დაცვით ასევე ელექტრონულად მოახდინოს "ენსაფ"-ის დადასტურება არაუგვიანეს მისი ელექტრონულად გამოწერის დღისა. "ენსაფ"-ის დადასტურების შემდეგ შემსყიდველის მიერ მოთხოვნილი რაოდენობისა და სახეობის საწვავი ჩარიცხება (გააქტიურდება) შემსყიდველის სპეციალურ ანგარიშზე. მხარეები აღიარებენ, რომ შემსყიდველის მიერ "ენსაფ"-ის ელექტრონულად დადასტურების მომენტიდან

ენსაფ~ით გათვალისწინებული საწვავი ითვლება შემსყიდველის მიერ შეძენილად და შემსყიდველს არა აქვს უფლება სადავო გახადოს ამ საწვავის შეძენის ფაქტი, აგრეთვე ზემოთხსენებულ `ენსაფ~ში დაფიქსირებული საწვავის სახეობა, რაოდენობა, ფასი და სხვა არსებითი პირობები. ამასთან, შემსყიდველს არც ერთი საფუძვლით არ შეუძლია სადავო გახადოს მისი მხრიდან შესაბამისი `ენსაფ~-ის ელექტრონულად დადასტურების ფაქტი, ვინაიდან შესაბამის ელექტრონულ საშუალებებთან წვდომა გააჩნია მხოლოდ შემსყიდველს, `ენსაფ~-ის ელექტრონულად დადასტურების პროცესი არ კონტროლდება მიმწოდებლის მიერ და შემსყიდველი თავად განსაზღვრავს იმ პირის ვინაობას, რომელიც უშუალოდ მოახდენს შემსყიდველის მხრიდან `ენსაფ~-ის ელექტრონულად დადასტურებას.

- 5.6. საწვავის მიწოდება მოხდება შემდეგი წესით:
- 5.7. ხელშეკრულების 5.5 პუნქტით დადგენილი პროცედურის დაცვით, მიმწოდებელი თავის ვებ-გვერდზე გაუხსნის შემსყიდველს სპეციალურ ანგარიშს და უზრუნველყოფს შემსყიდველის მიერ შეძენილი საწვავის ჩარიცხვას აღნიშნულ ანგარიშზე, პლასტიკურ ბარათებზე საწვავის შემდგომი განაწილების მიზნით. სპეციალურ ანგარიშზე საწვავის ჩარიცხვის შემდეგ შემსყიდველს უფლება აქვს ანგარიშზე არსებული ნაშთის ფარგლებში შეუზღუდავად, თავისი შეხედულებისამებრ, მოახდინოს აღნიშნული საწვავის გადანაწილება მის კუთვნილ ერთ ან რამოდენიმე პლასტიკურ ბარათზე ინტერნეტით, მიმწოდებლის ვებ-გვერდის საშუალებით, შემსყიდველის საიდენტიფიკაციო სახელისა და პაროლის გამოყენებით.
- 5.8. შემსყიდველის სპეციალურ ანგარიშზე შეკვეთილი საწვავის ჩარიცხვისას შემსყიდველისა და მიმწოდებლის უფლებამოსილ წარმომადგენელს შორის ფორმდება სათანადო მიღება-ჩაბარების აქტი, რომელშიც ფიქსირდება ანგარიშზე ჩარიცხული საწვავის სახეობა, რაოდენობა, ღირებულება და სხვა აუცილებელი ინფორმაცია სპეციალურ ანგარიშზე საწვავის ჩარიცხვის შემდეგ საწვავი არ ექვემდებარება დაბრუნებას ან სხვა სახეობის საწვავზე გადაცვლას, ხოლო პლასტიკური ბარათის/ბარათების დაკარგვასთან, დაზიანებასთან ან განადგურებასთან დაკავშირებული ყოველგვარი რისკი გადადის შემსყიდველზე.
- 5.9. შემსყიდველის პირველად საიდენტიფიკაციო სახელსა და პაროლს მიმწოდებელი მიღება-ჩაბარების აქტით დალუქული კონვერტიტით გადასცემს შემსყიდველის უფლებამოსილ წარმომადგენელს და ამავდროულად უტარებს შესაბამის ინსტრუქტაჟს საიდენტიფიკაციო სახელისა და პაროლის შეცვლისა და გამოყენების წესების შესახებ. შემსყიდველი ვალდებულია ანგარიშის პირველ გამოყენებამდე და პლასტიკურ ბარათებზე საწვავის გადანაწილამდე შეცვალოს მიმწოდებლის მიერ გადაცემული პაროლი და შემდგომში გამოიყენოს მხოლოდ მის მიერ შექმნილი ახალი პაროლი. პირველადი საიდენტიფიკაციო სახელისა და პაროლის შემსყიდველის წარმომადგენლისათვის გადაცემისთანავე ყოველგვარი პასუხისმგებლობა და რისკი საიდენტიფიკაციო სახელისა და პაროლის არასანქცირებულ გამოყენებაზე, ელექტრონული ანგარიშიდან პლასტიკურ ბარათებზე საწვავის უნებართვო გადატვირთვაზე და სხვა მსგავს შემთხვევებზე, აგრეთვე ამით გამოწვეულ ნეგატიურ შედეგებზე, გადადის შემსყიდველზე.
- 5.10. პლასტიკური ბარათი და ტალონი ადასტურებს მისი წარმომადგენის უფლებას ავტოგასამართ სადგურზე მიიღოს ბარათზე ჩატვირთული ან ტალონზე მითითებული ოდენობის შესაბამისი საწვავი. პლასტიკური ბარათის დაკარგვის შემთხვევაში მისი ბლოკირების ვალდებულება შესაძლო ნეგატიური შედეგების თავიდან აცილების მიზნით ეკისრება თავად შემსყიდველს, რომელმაც უნდა მოახდინოს ბლოკირება თავისივე ვებ-გვერდზე სპეციალური ანგარიშის გამოყენებით საკუთარი ვებ-კაბინეტიდან.
- 5.11. შემსყიდველი ვალდებულია პლასტიკური ბარათი შეინახოს მზისგან, ელექტრული და მაგნიტური ველებისაგან (მობილური ტელეფონი, ტრანსფორმატორი, ტელევიზორი და სხვა) დაცულ ადგილას, ასევე არ მოახდინოს პლასტიკური ბარათის გაღუნვა. მიმწოდებელი არ არის პასუხისმგებელი ამ მოთხოვნის შეუსრულებლობის შემთხვევაში ბარათის დაზიანებაზე. პლასტიკური ბარათის ფიზიკური დაზიანების ან/და დაკარგვის შემთხვევაში, შემსყიდველს უფლება აქვს შეიძინოს ახალი ბარათი და ითხოვოს მასზე ბლოკირების შემდეგ არსებული ნაშთების გადანაწილება. პლასტიკური ბარათის პროგრამულად დაზიანების შემთხვევაში, მიმწოდებელი უსასყიდლოდ დაუმზადებს შემსყიდველს ახალ პლასტიკურ ბარათს.
- 5.12. მიმწოდებელი უფლებამოსილია დროებით (არაუმეტეს 1,5 საათისა) შეაჩეროს საწვავის გაცემა ამა თუ იმ ავტოგასამართ სადგურზე საწვავის მიღების დროს და მიღების შემდეგ, რათა უზრუნველყოფილ იქნას პერსონალის და მომხმარებლების უსაფრთხოება და საწვავის სათანადო ხარისხი.
- 5.13. მიმწოდებელი იღებს ვალდებულებას შემსყიდველის მოთხოვნის შემთხვევაში დაამზადოს და უსასყიდლოდ გადასცეს შემსყიდველს არა უმეტეს 130 (ას ოცდაათი) პლასტიკური ბარათი ან/და ტალონური სისტემით 10 ან/და 20 ლიტრიანი ნომინალი.

6. საქონლის მიღება-ჩაბარების წესი

- 6.1. საქონლის (საწვავის) შემსყიდველის სპეციალურ ანგარიშზე ჩატვირთვისას ან/და ტალონების გადაცემისას მხარეები აფორმებენ მიღება-ჩაბარების აქტს 5.8 პუნქტის შესაბამისად.
- 6.2. მიმწოდებელი ვალდებულია გამოუწეროს შემსყიდველს ელექტრონული ნავთობპროდუქტების სპეციალური საგადასახადო ანგარიშ-ფაქტურა 5.4 პუნქტის შესაბამისად, შემსყიდველის შეკვეთის მიღებიდან ერთი სამუშაო დღის განმავლობაში, ხოლო `ენსაფ~-ის ელექტრონულად დადასტურებისთანავე ჩაურიცხოს შემსყიდველს სპეციალურ ანგარიშზე შეძენილი საწვავი.
- 6.3. იმ შემთხვევაში, თუკი შემსყიდველი ვერ უზრუნველყოფს 5.5 პუნქტით განსაზღვრულ ვადაში `ენსაფ~-ის ელექტრონულად დადასტურებას, ან არ მოახდენს საწვავის შეკვეთის განხორციელებას 5.4 პუნქტში მითითებულ ვადაში, მიმწოდებელი უფლებამოსილი იქნება დაუყოვნებლივ ცალმხრივად მოშალოს წინამდებარე ხელშეკრულება და უარი განაცხადოს შესყიდვის ობიექტის მიწოდებაზე, რაც არ შეიძლება მიჩნეულ იქნას მიმწოდებლის მიერ რომელიმე სახელშეკრულებო ვალდებულების დარღვევად ან შეუსრულებლობად.

7. ანგარიშსწორების პირობები და ვადები

- 7.1. ანგარიშსწორება განხორციელდება უნაღდო ანგარიშსწორების ფორმით ლარში, ფაქტურად მიწოდებული საქონლის მოცულობის შესაბამისად, მიმწოდებლის საბანკო რეკვიზიტებზე;
- 7.2. ანგარიშსწორება განხორციელდება ანგარიშსწორების პირობებისა და ვადების შესაბამისად (დანართი №1).
- 7.3. შემსყიდველი უფლებამოსილია, ხოლო მიმწოდებელი თანახმა ხელშეკრულების 10.3 და 10.5 პუნქტებით დაკისრებული პირგასამტეხლოს თანხა (ასეთის არსებობის შემთხვევაში) გამოქვითოს ყოველი მიღება-ჩაბარების აქტის შესაბამისი, მიმწოდებელზე გადასარიცხი თანხიდან.
- 7.4. საქართველოს კანონმდებლობით გათვალისწინებული ყველა გადასახადის გადახდაზე პასუხისმგებელია მიმწოდებელი.

8. საქონლის საგარანტიო პირობები და ვადები

8.1. მიმწოდებელი იძლევა გარანტიას, რომ მიწოდებული საქონელი შეესაბამება საქონლის ტექნიკურ პირობებს (დანართი №1).

9. ხელშეკრულების შეწყვეტა

9.1. ხელშეკრულება შეიძლება შეწყდეს:

9.1.1. მხარეთა წერილობითი შეთანხმებით;

9.1.2. ხელშეკრულების ვადის გასვლის გამო;

9.1.3. 9.2 პუნქტით გათვალისწინებულ შემთხვევებში.

9.2. შემსყიდველი უფლებამოსილია ცალმხრივად (მთლიანად ან ნაწილობრივ) შეწყვიტოს ხელშეკრულება, თუ:

9.2.1. მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;

9.2.2. მიმწოდებელი სისტემატიურად ან/და უხეშად არღვევს ხელშეკრულების პირობებს;

9.2.3. მიმწოდებელი ხელშეკრულებით გათვალისწინებულ ან შემსყიდველის მიერ გაგრძელებულ ვადებში ვერ უზრუნველყოფს ხელშეკრულებით გათვალისწინებული საქონლის მიწოდებას.

9.2.4. მიმწოდებლის გაკოტრების შემთხვევაში;

10. მხარეთა პასუხისმგებლობა

10.1. მხარეები კისრულობენ ვალდებულებას, აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობისათვის ან არასრულად შესრულების შედეგად მიყენებული ზიანი, მოქმედი კანონმდებლობით განსაზღვრული წესით.

10.2. შემსყიდველი კისრულობს პასუხისმგებლობას ხელშეკრულებით გათვალისწინებული ანგარიშსწორების ვადების დარღვევისათვის, პირგასამტეხლოს სახით მიმწოდებელს გადაუხადოს გადასახდელი თანხის 0.02 პროცენტი ყოველი ვადაგადაცილებული დღისათვის.

10.3. მიმწოდებელი კისრულობს პასუხისმგებლობას: ვადების დარღვევის შემთხვევაში, პირგასამტეხლოს სახით შემსყიდველს გადაუხადოს მისაწოდებელი საქონლის ღირებულების 0.02 პროცენტი ყოველი ვადაგადაცილებული დღისათვის;

10.4. მიმწოდებელი კისრულობს პასუხისმგებლობას ხელშეკრულების პირობების შეუსრულებლობისათვის, პირგასამტეხლოს სახით შემსყიდველს გადაუხადოს ხელშეკრულების საერთო ღირებულების 20 პროცენტის ოდენობით;

10.5. მიმწოდებელი კისრულობს პასუხისმგებლობას ხელშეკრულების ნაწილობრივ შესრულების შემთხვევაში, პირგასამტეხლოს სახით შემსყიდველს გადაუხადოს შესასრულებელი (დარჩენილი) ვალდებულებები შესაბამისი ღირებულების 20 პროცენტის ოდენობით;

10.6. მხარეები თავისუფლდებიან პასუხისმგებლობისაგან:

10.6.1. თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობით ან/და მხარეები ხელშეკრულების შესრულების პროცესში წაწყდებიან ისეთ ხელშემშლელ გარემოებებს, რომელიც გამოწვეულია მათგან დამოუკიდებელი სხვა ობიექტური მიზეზებით.

10.6.2. ის მხარე, რომელიც ხელშეკრულების 10.6.1 პუნქტით გათვალისწინებული შემთხვევების გამო ვერ ასრულებს ხელშეკრულებით ნაკისრ ვალდებულებას ვალდებულია დაუყოვნებლივ წერილობით აცნობოს მეორე მხარეს ნაკისრი ვალდებულებების შეუსრულებლობის გამოწვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან არაუგვიანეს 10 (ათი) დღისა წარმოადგინოს ცნობა შესაბამისი კომპენტენტური ორგანიზაციიდან (ასეთის არსებობის შემთხვევაში), რომელიც დაადასტურებს წერილში მოყვანილ გარემოებებს.

10.6.3. ხელშეკრულების 10.6.2 პუნქტით გათვალისწინებული პირობების დაცვის შემთხვევაში მხარეები უფლებამოსილნი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და ვადამდე შეწყვიტონ ხელშეკრულების მოქმედება.

11. ფორს-მაჟორი

11.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

11.2. ამ მუხლის მიზნებისათვის “ფორს-მაჟორი” ნიშნავს მხარეებისათვის გადაუალახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემზარგოს დაწესებით, საბიუჯეტო ასიგნებების მკვეთრი შემცირებით და სხვა.

11.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

12. ხელშეკრულების შესრულების საბანკო გარანტია

12.1. ხელშეკრულებაში გამოყენებულია მიმწოდებლის მხრიდან ხელშეკრულების შესრულების საბანკო გარანტია მთლიანი სახელშეკრულებო თანხის 5 (ხუთი) პროცენტის ოდენობით, რომლის ვადა 30 (ოცდაათი) დღით აღემატება ხელშეკრულების მოქმედების ვადას.

- 12.2.** შემსყიდველის მიერ აღნიშნული საბანკო გარანტიის გამოყენების და დაბრუნების პირობები მოცემულია ხელშეკრულების 12.3 და 12.4 პუნქტებში.
- 12.3.** შემსყიდველი უფლებამოსილია საბანკო გარანტიის მოქმედების ვადაში მიმართოს გარანტს და მოითხოვოს საბანკო გარანტიით განსაზღვრული თანხის გადახდა თუ:
- 12.3.1.** ხელშეკრულება შეწყდა 9.2 პუნქტის შესაბამისად;
- 12.3.2.** ხელშეკრულების მოქმედების ვადის განმავლობაში მიმწოდებელმა ვერ უზრუნველყო ხელშეკრულებით გათვალისწინებული საქონლის მოწოდება.
- 12.4.** საბანკო გარანტია მიმწოდებელს დაუბრუნდება:
- 12.4.1.** მიმწოდებლის მიერ ხელშეკრულებით ნაკისრი ვალდებულებების სრულად შესრულებისას;
- 12.4.2.** ხელშეკრულების 10.6.1 პუნქტით გათვალისწინებულ შემთხვევებში ხელშეკრულების ვადამდე შეწყვეტისას.

13. გამოყენებული სამართალი

ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

14. ხელშეკრულებაში ცვლილებების შეტანა

- 14.1.** ხელშეკრულების დამდებ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები.
- 14.2.** დაუშვებელია ხელშეკრულებაში იმგვარი ცვლილებების შეტანა, რომლის შედეგადაც იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 14.3.** საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია თავდაპირველად დადებული ხელშეკრულების ღირებულების 10%-ზე მეტი ოდენობით გაზრდა.
- 14.4.** ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.

15. ხელშეკრულების სხვა პირობები

- 15.1.** ხელშეკრულების არც-ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი;

16. ხელშეკრულების მოქმედების ვადა

ხელშეკრულება ძალაშია მისი ხელმოწერის დღიდან და მოქმედებს 20____ წლის _____.

17. მხარეთა იურიდიული მისამართები და საბანკო რეკვიზიტები

“შემსყიდველი”

შპს „საქართველოს მელიორაცია“

მის: თბილისი, გ. გულუას ქ. N6

ტელ: (995 32) 2 480100.

სს თბილისი ბანკი

ა/ა GE42TB7484736020100003; ბანკის კოდი: TBCBGE22

საიდენტიფიკაციო კოდი: 204524568

“მიმწოდებელი”

მის: _____

ტელ: (995 ____) _____.

სს _____ ბანკი

ა/ა _____; ბანკის კოდი: _____

საიდენტიფიკაციო კოდი: _____